

湖州詞徵

二

蘇子知

解學

PDG

湖州詞徵卷七

歸安朱祖謀輯

沈端節

溧陽縣志沈端節字約之吳興人寓居溧陽有才
美令蕪湖知衡州提舉江東茶鹽淳熙閒仕至朝
散大夫

直齋書錄解題克齋詞一卷苕溪沈端節約之撰
四庫總目端節念奴嬌尋幽覽勝一闕自笑漂零
驚歲晚欲挂衣冠神武及羣玉圖書廣寒宮殿一
一經行處云云則端節固當曾官京職至其吐屬
婉約頗具風致固不以花庵草堂諸選不見采錄

減價矣

毛晉曰克齋詞長於詠物寫景又不墮鄭衛惡習
殆梅溪竹屋之流歟

五福降中天梅

月朧煙淡霜蹊滑孤宿暮林荒驛繞樹微吟巡檐索笑
自分平生相得冰池半釋正節物驚心淚痕沾臆流水
濺濺照影古寺滿春色 沈歎今年未識暗香微動處
人□初寂酷愛芳姿最憐幽韻來款禪房深密他時恨
□悵卻月淩風信音難的雪底幽期爲誰還露立

卜算子

愁極強登臨畢竟愁難避千里江山黯淡中總是悲秋

意誰插菊花枝誰帶茱萸佩獨倚欄干醉不成日暮
西風起

又梅

冷蕊伴疏枝一笑何時共江北江南兩處愁忍看花口
動旅泊怕逢春卜睡都無夢歲暮何郎未得歸手撚
頻呵凍

又

蹋雪看孤芳只有詩人共守定南枝待得開不覺冰輪
動卻月與淩風漫說揚州夢想見雕闌曲沼邊殘雪
和煙凍

又

客裏見梅花獨賞無人共風度精神總是伊又是歸心
動把酒破憂端熏被尋佳夢夢覺香殘一味寒有淚
都成凍

又

烘手熨笙簧呵凍勻酥面閒向梅花樹下行拜月遙相
見何處託春心樂府流深怨卻撚寒窗傍綺疏恨極
東風遠

憶秦娥

憑欄獨南山影蘸杯心綠杯心綠悠然忽見臥披橫軸
西風暗度釵梁玉手香記得人簪菊人簪菊無窮幽
韻細看不足

惜分飛 桂花

喜入眉心黃點瑩珠佩玲瓏透影風露蕭蕭冷夢回月窟香成陣
秋後情懷君莫問拚了因他瘦損不似尋常韻細看沒處安排悶

南歌子

遠樹昏鴉鬧衰蘆睡鴨雙雪篷煙櫂炯寒光疑是風林纖月到船窗
時序驚心破江山引夢長思量也待不思量淚染羅巾猶帶舊時香

鵲橋仙

懷人意思悲秋情緒長是文園病後蛛絲輕嫋玉釵風想花貌參差依舊
無窮往事一襟新恨老淚淋浪卮

酒天涯相對話平生悵南北還如箕斗

醉落魄

紅嬌翠弱春寒睡起慵勻掠些兒心事誰能學深院無人時有燕穿幕漏聲滴盡蓮花萼靜看月轉西欄角世情一任浮雲薄花與東君卻解慰流落

太常引

三三五五短長亭都只解送人行天遠樹冥冥悵好夢纔成又驚夜堂歌罷小樓鐘斷歸路已聞鶯應是困曹騰問心緒而今怎生

謁金門

真箇憶花下雨聲初息猛記烏衣曾舊識丁寧教去覓

春半峭寒猶力淚滴兩襟成迹獨倚危欄清晝寂草
長流翠碧

又

春欲去人瘦不勝金縷門巷陰陰飛絮舞斷腸雙燕語
孤坐晚窗閒處月到花心亭午寒色著人無意緒竹
鳴風似雨

又

尋勝去湖色淨涵疏樹欵乃一聲何處起風鈴相應語
目送遙林修渚畫出江南煙雨山水照人人楚楚錦
腸生秀句

菩薩蠻

言得
春山千里供行色客愁濃似春山碧幸自不思歸子規
心上啼芳意隨人老綠盡江南草窈窕可人花路長
何處家

又

愁人道酒能消解原來酒是愁人害對酒越思量醉來
還斷腸酒醒初夢破夢破愁無那乾淨不如休休時
只恁愁

浣溪沙

鐙夜香甘動綺筵明珠顆顆泛甌圓佳人巧意底難傳
喜見翻溪流細滑卻思信手弄輕纖不知辛苦爲誰

甜

行香子

煙淡回塘月浸疏篁一枝春壓盡羣芳翛然風度玉質
金章有許多清許多韻許多香中酒情懷琢句心腸
倚屏山子細端相冰芽初試桐子新嘗更綺窗前冰壺
畔看勻妝

喜遷鶯

暮雲千里正小雨乍晴霜風初起蘆荻江邊月昏人靜
獨自小船兒裏消魂幾聲新雁合造愁人天氣怎奈向
少年時光景一成拋棄回首空腸斷尺素未傳應是
無雙鯉悶酒孤斟半醺還醒乾淨不如不醉有得恁多
煩惱直是沒些如意受盡也待今回廝見從頭說似

菩薩蠻

楚山千疊傷心碧
傷心只有遙相憶
解佩挹巫雲
愁生洛浦春
香波凝宿霧
夢斷消魂處
空聽水泠泠
如聞寶瑟聲

朝中措

天遙野闊雁書空
山遠暮雲中
目斷江南煙雨
□□敲枕春風
功名富貴何須計
較煙際疏鐘
解道淺妝濃
抹從來惟有坡翁

念奴嬌

鐙宵漸近
更兵塵初息
韶華偏早
太守風流
張宴樂不
管江城寒峭
髮底蜂兒
釵頭梅蕊
一一誇新巧
笙歌鼎

沸萬人爭看標表 應記革履雍容天香滿袖侍宴遊
三島聖主中興思用舊尊禮先朝元老燭賜金蓮柑傳
羅帕行卽趨嚴道深杯休訴任教銀漏催曉

又

重陽恁好正秋清天色水容如瀉野闊風高香霧滿采
菊無人同把堪笑淵明蓬頭曳杖吟賞東籬下孤風遠
韻至今猶作佳話 爭似太守仁賢慈祥愷悌賦政多
閒暇千里江山供勝踐樽俎延登儒雅只恐相將吹花
春宴不許斯民借花朝便坐尙懷方外司馬

青玉案

使君標韻如徐庾更名節高千古臥治姑溪纔小駐閒

雲無定陽春有腳又作南昌去
興來亭上清歌度能
盡唱公詩句記取諸生臨別語
從容占對天顏應喜千
萬留王所

洞仙歌

雪肌花貌見了千千萬眼去
眉來幾曾管被今回打住
沒□施程□捺地卻悔看承較晚
琴心傳密意惟有
相如失笑他們恁撩亂抖下
俏和嬌掩翠凌紅真箇是
從前可見據入馬牢籠怎乾休
但拈取真誠試教人看
又

夜來驚怪冷逼流蘇帳夢破初聞打窗響
曉開簾淩亂
千里寒光清興發鶴氅誰同縱賞
江南春意動梅竹

潛通醉帽衝風自來往慨念故人疏便理扁舟須信道
吾曹清曠待石鼎煎茶洗餘醺更依舊歸來淺斟低唱
又

重陽近也漸秋光淒勁宿雨初收好風景正干戈者定
禾黍豐登人意樂歌舞賢侯美政醉翁遊歷處勝概
依然木落淮南見山影有客共登臨醉裏疏狂敲烏帽
從嘲雪鬢但目送孤鴻傍危欄笑問道黃花似誰風韻
虞美人

去年寒食初相見花上雙飛燕今年寒食又花開垂下
重簾不許燕歸來隔簾聽燕呢喃語似說相思苦東
君都不管閒愁一任落花飛絮兩悠悠

又

臥紅堆碧紛無數春事知何許
斑斑小雨裊梨花又是清明時候
不歸家傷春減盡東陽帶人道
多情煞青春留下許多愁分付與
君今夜一齊休

又

暮雲衰草連天遠不記離人怨
可憐無處不關情夢斷孤鴻哀
怨兩三聲恨眉醉眼何時見
夜夜相思徧梧桐葉落候蛩秋
惟有一江煙雨替人愁

留春令

舊家元夜追隨風月連宵歡宴
被那們引得滴流流地一似蛾兒
轉而今百事心情嬾鐙下幾曾
忺看算靜

中惟有窗閒梅影合是幽人伴

如夢令

雨後輕寒天氣玉酒中人小醉乍報一番秋晚簟清涼
如水吹睡吹睡窗在芭蕉葉底

薄倖

桂輪香滿送寒色輕風翦翦又還是幽窗人靜梅影參
差初轉念少年孤負芳音多時不見文君面漫快瀉瓊
舟濃熏寶鴨終是心情差嬾漫就枕渾無寐口聽徹
天邊飛雁閒愁消萬縷如何消遣繡衾口憶鴛鴦暖細
思量徧倚屏山挑盡琴心誰識相思怨休文瘦損陡覺
頻移帶眼

江城子

秋聲昨夜入梧桐雨濛濛
窗風短杵疏砧將恨到簾櫳
歸夢未成心已遠雲不斷水無窮
有人應念伯之東鬢如蓬理妝慵
覽鏡沈吟膏沐爲誰容
多少相思多
少事都盡在不言中

滿庭芳

霧薄陰輕林深煙暖海棠特地開
遲風光絕豔獨自殿芳時
須信東君注意花神會
別有看持羣英外
嫣然一笑富貴出天姿
日長春睡足粉香撲撲酒暈微微明
皇當日稱許最相宜
妃子扶來半醉宮妝淡不掃蛾眉
偏憐處流鶯驚繞金彈拂叢飛